

Revista Gallega
de Filología

monografía 9



Lingua, texto,
diacronía

Estudios de lingüística
histórica

[Leticia Eirín García
Xoán López Viñas
(editores)]

Revista GALEGA
de filoloxía

monografía 9

*Leticia Eirín García
Xoán López Viñas (editores)*

**Lingua, texto,
diacronía.
Estudos de
lingüística
histórica**

ÁREA DE FILOLOXÍAS GALEGA E PORTUGUESA

Director: Xosé Ramón Freixeiro Mato (Universidade da Coruña)

Subdirector: Xosé Manuel Sánchez Rei (Universidade da Coruña)

Secretario: Xoán López Viñas (Universidade da Coruña)

Edita: Área de Filoloxías Galega e Portuguesa
Departamento de Galego-Portugués, Francés e Lingüística

Depósito Legal: C 2238-2014

ISBN: 978-84-9749-609-4

Distribúe: Consorcio Editorial Galego: pedimentos@coegal.com

Deseño: Torné Asociados

Maquetación: Antonio Souto

Índice

Limiar

Leticia Eirín García / Xoán López Viñas

5-7

Da lección manuscrita á lectura crítica: gramática histórica, *constitutio e interpretatio textus*

Mariña Arbor Aldea

9-31

Denominacións metafóricas dos órganos sexuais femininos, vinculadas ao campo sémico do aloxamento, nas cantigas de escarnio e maldizer

Xosé Bieito Arias Freixedo

33-58

A expresión da IRA nas cantigas de amor e de amigo

Mercedes Brea

59-96

Construções com *ser*, *estar* e *jazer* na história do português: notas em torno de inovação, persistência e obsolescência

Maria Teresa Brocardo

97-107

Poetics, Historical Grammar and Textual Criticism: *Augua or Agua* in Pero Meogo?

Rip Cohen

109-122

Corominas e a etimoloxía galega

Rosalía Cotelo García

123-141

O alógrafo sigmático do grafema <z> na documentación medieval galega

Pedro Dono López

143-159

O léxico do proceso amoroso nas cantigas de amor de Don Denis

Leticia Eirín García

161-175

Por volta de topónimos e textos afonsinos. A cantiga «Ansur Moniz, muit'ouve gran pesar» [B 482, V 65]

Manuel Ferreiro

177-196

Vós sodes mui fraqueliña molher. Sobre a sufixación apreciativa na poesía trobadoresca profana

Xosé Ramón Freixeiro Mato

197-225

A alternancia *h-/Ø* entre “ortografía alfonsí” e “ortografía dionisina”

Pär Larson

227-238

Unha ferramenta para o estudo do léxico medieval: o *GLOSSA*

Xoán López Viñas

239-256

Traxectoria histórica dos resultados galegos do sufixo número-persoal latino *-tīs*

Ramón Mariño Paz

257-290

Edición de textos da Galiza medieval e moderna. Algúns proxectos en marcha

Ricardo Pichel Gotérrez / Xavier Varela Barreiro

291-318

Caer/cair e similares. Algunas apontamentos filológico-lingüísticos

José Luís Rodríguez

319-350

Aproximación aos pronomes demostrativos nos primordios da Idade Moderna

Xosé Manuel Sánchez Rei

351-368

Os primeiros escritos em galego-portugués: revisão e balanço

José António Souto Cabo

369-393

Por volta de topónimos e textos afonsinos. A cantiga «Ansur Moniz, muit'ouve gran pesar» [B 482, V 65]*

Manuel Ferreiro

Grupo ILLA

Universidade da Coruña

manuel.ferreiro@udc.es

Afonso X é un autor certamente significado no trovadorismo galego: á súa transcendencia como autor das *Cantigas de Santa María* hai que lle acrecentar a autoría dun feixe de cantiga, de relevante importancia no conxunto da poesía medieval profana galego-portuguesa. No entanto, a pesar das diversas aproximacións ao estudo crítico dos seus textos escarniños, neste subconxunto da súa producción ainda perviven importantes problemas ecdóticos e mais hermenéuticos e interpretativos.

É neste ámbito que queremos contribuír á fixación da textualidade afonsina no que di respecto a algunas formas topónimicas documentadas nas súas cantigas de escarnho e de mal dizer e que foron interpretadas de modo diverso a partir de leccións manuscritas con elementos problemáticos, que explican algunas lecturas contraditorias e/ou deficientes.

I. O primeiro topónimo visado neste contributo aparece na cantiga «Don Gonçalo, pois queredes ir d'aqui pera Sevilha» (461 / 18,14 [B 466]¹), peza de interpretación aínda non aclarada totalmente (vid. Magán Abelleira & Ron Fernández 1999).

* Este traballo inscríbese no proxecto de investigación *Glosario crítico da poesía medieval galego-portuguesa* (FFI2009-08917 e FFI2012-32801), subsidiado, respectivamente, polo “Ministerio de Ciencia y Tecnología” e mais o “Ministerio de Economía y Competitividad”.

1 Para as referencias ás cantigas da poesía profana, utilizamos o sistema de Jean Marie D'Heur (1975: 10-93), coas correccións achegadas por Montero Santalla (2000: 55-101), xunto coa numeración do *Repertorio métrico* de Tavani (1967), seguido do nome abreviado do trovador, tamén establecido polo mesmo estudos, e das referencias convencionais dos manuscritos. Para a lectura dos manuscritos, servímonos das edicións facsimilares dos cancioneiros: B = *Cancioneiro da Biblioteca Nacional (Colocci-Brancuti)*. Cód. 10991. Lisboa: Biblioteca Nacional / Imprensa Nacional-Casa da Moeda, 1982; V = *Cancioneiro Português da Biblioteca Vaticana (Cod. 4803)*. Lisboa: Centro de Estudos Filológicos / Instituto de Alta Cultura, 1973.

Os criterios de edición utilizados son os propostos en Ferreiro & Martínez Pereiro & Tato Fontañá (2007).

No v. 4 da cantiga afonsina, a forma <lib’ra> do único manuscrito que transmite a cantiga, o Cancioneiro da Biblioteca Nacional, foi lida e interpretada, sucesivamente, de maneira diversa.

A primeira edición da cantiga débese á pena de Carolina Michaëlis de Vasconcellos, que, no segundo volume do seu *Cancioneiro da Ajuda*, transcribe así o inicio da composición afonsina (Michaëlis 1990, II: 380-381, vv. 1-6):

Don Gonçalo, pois queredes ir d'aqui pera Sevilha
por veerdeis voss'amiga, (non o tenh'a maravilha),
contar vus ei as jornadas lego'a legoa, milh'e milha.

Ir podedes a Librilha (?)	e torceredes ja-quanto, sen pavor e sen espanto que ajades de perder
----------------------------------	--

En nota aclaratoria á forma do topónimo, advirte que “É assim que penso emendar *lib’ra*, embora não esteja em rima com *Sevilha*, *maravilha*, *milha*. Mas *Librilha* (penso no logar Librilla em Murcia, bispado de Cartagena) podia tambem ser forma aportuguesada de *Librija*, *Lebrija* (Sevilla), uma das conquistas andaluzas que se revoltaram em 1263” (Michaëlis 1990, II: 380, n. 2).

Por súa parte, a mediados do século XX, Elsa e José Pedro Machado publican a súa peculiar edición do Cancioneiro da Biblioteca Nacional, onde presentan unha transcripción destas dúas estrofas co seu singular sistema e cunha diferente interpretación do topónimo (Machado & Machado 1950, II: 312):

Don Gonçalo, poys queredes
ir d aqui para Seuilha
por ueerdeis uoss amig[a],
E non o tenh a marauilha,
Contar uos ei as iornadas
lego a Legoa, milh e milha.

E ir podedes a **Seuilha**
E torceredes ia quanto,
e depoys ir a Alcala,
Se[n] pauor e se[n] espanto
Que uos aiades di perder
A garnacha, nen no manto.

Cronoloxicamente, a seguinte edición xa corresponde á grande compilación editorial de Manuel Rodrigues Lapa, que mellora notablemente o texto fornecido polos anteriores estudosos (Lapa 1970: 65):

Don Gonçalo, pois queredes ir daqui pera Sevilha,
por veerdeis voss'amiga, e[u] nōno tenh' a maravilha:
contar-vos-ei as jornadas légoa [e] légoa, milh[a] e milha.

E ir podedes a **Libira** e torceredes já quanto,
e depois ir a Alcalá se[n] pavor e se[n] espanto
que vós ajades d'i perder a garnacha nen no manto.

Nótese como, por vez primeira, se respecta a lección do manuscrito canto á forma do topónimo, mais Lapa nada aclara ao respecto, limitándose a constatar que Michaëlis “propõe, duvidosamente, *Librilha*, lugar em Múrcia”; asemade, o grande editor portugués cualifica como “totalmente desconforme” a opción machadiana en prol de *Sevilha* (Lapa 1970: 65).

O maxisterio lapiano xa se fai sentir nas seguintes edicións da cantiga afonsina. Así, Paredes, con texto absolutamente coincidente nas dúas propostas críticas do cancioneiro profano de Afonso X, que publica sucesivamente cun intervalo de nove anos (2001: 193; 2010: 120), segue moi fielmente o texto do mestre de Anadia:

Don Gonçalo, pois queredes ir daqui pera Sevilha,
por veerdeis voss'amigo, e nono tenh'a maravilha,
contar-vos-ei as jornadas legoa [a] legoa, milh[a] a milha.

E ir podedes a **Libira** e torceredes ja quanto,
e depois ir a Alcalá se[n] pavor e sen espanto
que vós ajades d'i perder a garnacha nen no manto.

Tanto na tradución da peza ao castelán (2001: 142), como no glosario (p. 392) e, sobre todo, na nota correspondente ao cuarto verso, o editor da Universidade de Granada comenta as lecturas michaëliana e machadiana, rexitando tanto Librilla (en Murcia) como Sevilla; opta, así, por vincular *Libira* á cidade sevillana de Lebrija: conforme afirma o editor andaluz, esta sería unha “Interpretación mucho más acorde con la geografía del texto. Ha de entenderse pues, Lebrija” (Paredes 2001: 144).

En 2002, Graça Videira Lopes, na súa proposta editorial, segue a esteira de Rodrigues Lapa, mais con mudanza da forma do topónimo (Lopes 2002: 55):

Dom Gonçalo, pois queredes ir daqui pera Sevilha,
por veerdeis voss'amigu', e nōn'o tenh'a maravilha,
contar-vos-ei as jornadas légo'a légoa, milh'e milha.

E ir podedes a **Librija** e torceredes já quanto,
e depois ir a Alcalá se[m] pavor e sem espanto
que vós hajades d'i perder a garnacha nēn'o manto.

A pertinente nota explicativa, a partir dunha errada lectura <Lib'xa>, tenta xustificar a súa opción: “Atendendo a que Librija era uma das praças-fortes de D. Henrique, fixei-me nesta lição, que parece, aliás, a que corresponde melhor ao ms.” (Lopes 2002: 55).

Finalmente, na compilación dirixida pola mesma autora e publicada en rede como resultado do proxecto *Littera*, na web da Universidade Nova de Lisboa, é presentado idéntico texto, agora coa forma *Librixia* para o topónimo, que presenta, de novo, idéntica nota aclaratoria.

A pesar de que o contido da composición, como dixemos, aínda non foi totalmente esclarecido, neste inicio da cantiga semella evidente que estamos perante unha forma que ten de remitir a un topónimo andaluz, vista a presenza das alusións a Sevilla (v. 1) e Alcalá de Guadaira (v. 5).

E máis unha vez, coidamos que os manuscritos, neste caso o único manuscrito que transmite o texto de Afonso X, presenta a lección certa, pois o topónimo *Libira* está ben atestado en varios documentos medievais, e, significativamente, en dúas pasaxes da *General Estoria* do propio Afonso X²:

E pirus com era mancebo auie sabor dandar e no estar en un logar. e tomo su mugier e coios por la ribera de la mar esquantra parte dorient. y ell era muy caçador. e fallo en una montanna muchos ossos e mato y muchos dellos e fiz grand caça. e puso nombre a aquel logar el campo ursino. e de si poble y una cibdat al pie de la sierra e pusol nombre ursina por la caça de los ossos. y esta es a la que agora llaman ossuna. Dende tomaron por essas montannas esquantra orien fasta que llegaron a una sierra much alta. e pregunto pirus a los omnes de la tierra que logar era aquel. ellos dixieronle quel dizien la sierra del sol. porque auie y siempre nief. Y el porque uio que auie y buenas uegas e grandes e muchas aguas. semeiol que serie buena tierra para pan e poble y una cibdat. e por amor de su mugier. pusol nombre **Libira**. e assi a nombre. oy en dia.

Al quinto Arçobispado establecio en tierra de Luzenna. en la cibdat de Merida. E puso quel Obedeciesen estos Obispados. Bega. Lixbona. Axanayba. Aytalia. Coymbra. Bisana. Lenca. Calabria. Salamanca. Galba. Gebura. Coria.

Al sexto Arçobispado puso en Seuilla & diol por Obispados. Talica. Sidonia que es xerez. Labla que es Niebla. Malaga. **Libira** que es granada.

Ademais, Diego Hurtado de Mendoza, na obra *De la guerra de Granada* (1569-1673) aclara perfectamente o topónimo:

2 Os textos medievais casteláns foron localizados e son citados a través de REAL ACADEMIA ESPAÑOLA: Banco de datos (CORDE) [en liña]. *Corpus diacrónico del español*. <<http://www.rae.es>> [10-3-2014].

La escogieron porque en el suelo y aire parecía más a su tierra. Primero asentaron en **Libira** (a que antiguamente llamaron Iliberis y nosotros Elvira), puesta en el monte contrario de donde agora está la ciudad, lugar falso de agua y de poco aprovechamiento.

Efectivamente, *Elvira* é, na actualidade, unha parte da cidade de Granada, mais *Libira* na cantiga afonsina fai referencia ao antigo asentamento urbano, continuación de Iliberis, cidade ibérica, romana e despois importante poboación musulmá, situada na aba da Sierra Elvira, na veiga de Granada.

Deste xeito, na cantiga afonsina debe manterse a forma *Libira* tal como o manuscrito do Cancioneiro da Biblioteca Nacional transmite:

Don Gonçalo, pois queredes ir d'aqui pera Sevilha,
per-veredes voss'amig', e non no tenh'a maravilha:
contar-vos-ei as jornadas lego'a legoa, milh'e milha.

E ir podedes a **Libira** e torceredes ja-quanto,
e depois ir a Alcala se[n] pavor e sen espanto
que vós ajades d'i perder a garnacha nen no manto.

II. A coñecida cantiga afonsina sobre o “daian de Calez” («Ao daian de Calez eu achei», 491 / 18,4 [B 493, V 76]) presenta, para a palabra-rima do v. 2, diferente lección en cada un dos apógrafos italianos. Así, mentres en B a lectura <be(r)ger> parece indubitable, áñda que ningún dos editores fai referencia ao feito de <r> aparecer riscado polo copista, en V parece lerse <beger>, que sería correspondencia perfecta co texto do Cancioneiro da Biblioteca Nacional. Porén, é certo que o do manuscrito vaticano presenta unha curvatura da barriga moi leve, feito que levou a Monaci, seguido por todos os editores posteriores, a transcribir <leger> (Monaci 1875: 35).

A partir destes datos, podemos facer a historia editorial desta pasaxe de Afonso X, que encontrou unha primeira versión na vetusta edición de Teófilo Braga (1878: 16), baseada únicamente no manuscrito do Cancioneiro da Vaticana, en que establece *leger* como lectura más acaída, ao tempo que o explica como ‘ler’ no seu “Glossario archaico do cancionero” (Braga 1878: 234):

Ao dayão de Calez eu achey
liuros que lhi levavam da **leger**,
e ó que os tragia preguntey
por elles, e respondeu-m'el: senhor
como estes liuros que vós veedes, dous
e com os outros que ele tem dos sons
ffod'er per eles quanto foder quer.

Por súa parte, os Machado propoñen unha exótica lectura (e interpretación) para a pasaxe en cuestión (1950, II: 372):

Ao dayam de Calez euachei
liuros que lhi leuaram, **d Ab[n] Eger**,
e o que os tragia preguntey
por elles e respondeu m el: Senhor,
con estes liuros que uos ueedes dous,
e con os outros que ele ten dos ssous,
ffod el per eles quanto foder quer.

Con todo, interroganse sobre outras posibilidades interpretativas: “a leitura desta última palabra deixa dúvidas: *daberger dabeger; dabenger; doberger; dobenger?* Será *de Berger*, antropónimo? Em C. V.: *liures que lhi leuauan da leger*. Será *Alger*?” (Machado & Machado 1950, II: 373).

En 1970 Manuel Rodrigues Lapa publica a segunda (e definitiva) edición do xénero escarniño, cunha versión máis rigorosa do texto afonsino (1970: 42):

Ao daian de Cález euachei
livros que lhi levavan **d'aloguer**,
e o que os tragia preguntei
por eles, e respondeu-m'el: –Senher,
con estes livros que vós ueedes dous
e conos outros que el ten dos sous
fod'el per eles quanto foder quer.

O ilustre editor móstrase firme na súa proposta textual: “Não pode haver dúvida de que a lectura deverá ser *d'aloguer*, confirmada pelo v. 6: aqueles dois livros eram emprestados, de aluguer; outros tinha ele, com igual virtude, na sua própria estante” (1970: 42).

No entanto, en 2001 o texto lapiano é emendado na edición crítica do cancionero profano de Afonso X (Paredes 2001: 294), cunha lectura reiterada en 2010 (Paredes 2010: 266):

Ao daian de Cález euachei
livros que lhi levarian **da benzer**,
e o que os tragia preguntei
por eles, e respondeu-m'el: –Senher,
con estes livros que vós ueedes dous
e conos outros que el ten dos sous
fod'el per eles quanto foder quer.

Após recoller as lecturas anteriores dos Machado e de Lapa, Juan Paredes xustifica a súa interpretación: “siguiendo la lectura de B: *berger* o *benger*, y teniendo en cuenta la posible confusión *g/z* (que en los ms. aparece con trazo largo), tal vez la lectura más correcta podría ser *da benzer*: ‘para bendecir’” (Paredes 2002: 298).

Por súa parte, Graça Videira Lopes (2002: 84) retoma fielmente a lectura lapiana en todos os pormenores, declarando que “segue” a interpretación “conjectural” *d'aloguer*, que volta a aparecer no proxecto *Littera*, dirixido pola estudiosa portuguesa, cujos resultados son publicados *online* pola Universidade Nova de Lisboa.

Na realidade, semella que todas as propostas críticas comentadas se apoian en lecturas deficientes, tal como xa anunciamos antes: por unha banda, a lección <*leger*> de V é certamente discutíbel fronte a <*beger*>; por outra banda, ningún dos editores advertiu o feito de <*r*> aparecer riscado na inicial escrita <*berger*> de B. Tales bases paleográficas xustifican, parcialmente, a diversidade de lecturas: para alén do imposible *leger* ‘ler’ de Braga, por obvias razóns de inexistencia de tal forma para o *leer* medieval (ademais do problema rimático que suscita), a opción en prol de *aloguer* (Lapa, Lopes, *Littera*), ainda que semelle coherente coas referencias aos libros propios e emprestados, presenta diversas dificultades:

- a forma medieval de *aluguer*, a teor das ocorrencias existentes nas bases de datos, presenta sempre vogal pretónica /u/ (*aluger*, *alugeiro*, *alugueiro*, *alugeyro*, *alugueyro*)³;
- b) os “libros de aluguer” parecen un fenómeno moderno;
- c) e, sobre todo, *aloguer* non se corresponde coa lección dos manuscritos.

Por outra parte, o parediano *benzer* áinda presenta máis problemas, por cima do difícil encaixe interpretativo con esa sacrílega benzón de manuais amatorios:

- a única forma verbal documentada nas cantigas trobadorescas é *bēeicer* (e o substantivo *beençon*), sendo *benzer*, con crase do hiato, unha variante que só aparece en textos moi serodios (vid. CPIM, s.v. *benzer*);
- como verbo da segunda conjugación, *benzer*, o mesmo que o braguiano *leer*, implicaría unha anómala rima [er]-[er];
- de novo, estamos perante unha forma conjectural que se afasta da lección dos manuscritos.

3 Só achamos “Et avedes morar e usar vos e a vosa vos pera sempre a dita casa, sen renda e **alogueiro** ninhun” nun documento de 1369 (cf. TMILG, s.v. *alogueiro*).

Fronte á reconstrución editorial de formas como *aloguer* (Lapa, Lopes) ou *benzer* (Paredes), a indubitábel lección unánime dos dous manuscritos, con emenda en B (<be(r)ger> B, <beger> V), apunta a que a lectura deberá ser *Beger* (ou *Bejer*), como alusión á cidade hoxe coñecida como Vejer de la Frontera, próxima a Cádiz (*Calez*).

Nos textos antigos casteláns é esta (xunto con *Bejer* e tamén, en menor medida, *Veger* e *Vejer*, que só aparecen a partir dos séculos XV-XVI) a forma topónímica de tal poboación. Eis só as primeiras ocorrencias do topónimo (que só moi tardíamente incorporou a especificación *de la Frontera*)⁴:

en Gallisia ay otros puertos, mas non sacan por y synon sayn de pescado e son estos: Ponte vedra Padron Noya.

Enel Andalusia, Huelua Cales **Bejer** Seuilla Xeres son puertos; mas son puestas en las villas do se han ayuntar las mercadorias, e son y puestos los ommes que han a tomar los fiadores delos mercadoreos (“Ordenamiento de posturas en el Ayuntamiento de Jerez”, 1268).

Los ommes que han a tomar los fiadores enlos puertos sobre dichos son estos: en Sant Ander Bernalte dela Obra, Pero Roys de Ferrera. Enel Areo don Peres, el alcallde Pedro Barranca. En Castro de Ordiales Pero Diuisa, Pero Arnalte, Salomon. En Sant Sebastian Guillen Peres de Mara, el prioste Martin Garcia de Arnaua. En Fuent rrabia Garcì Johan e el preboste. En Huelua Johan de la Perula, Pero Martines de Caçalla e Alfonso Peres. En Cadis Diego Peres fijo de Pero del Llano, Pero Alfonso omme del rrey. En **Bejer** Domingo Johan mercadero, Ferrand Domingues omme del rrey (“Ordenamiento de posturas en el Ayuntamiento de Jerez”, 1268).

Tenemos por bien e mandamos que todos sus ganados pascan comunalmientre en todos los términos de Xerez e de Carmona e de Arcos e de Medina e de Alcalá e de **Bejer** e de Niebla e de Huelua e de Gibraleón, assí commo en los suyos mismos, e que les non tomen montadgo ni assadura en nenguno destos logares ni los contrallen ni los embarguen ni los peyndren, non faziendo danno en miesses ni en vinnas ni en huertas ni en deffesa que fagan por bueyes de lauor (“Privilegio dado por el rey don Alfonso a Sevilla acerca de los pastos de diversos lugares”, 1269).

Otrossy, viemos otra carta plomada del rey nuestro padre en que otorga al concejo de Seuilla que los su ganados paczcan comunalmientre en los términos de Xerez e Carmona e de Arcos e de Medina e de Alcalá e de **Bejer** e de Niebla e de Huelua e de Gibraleón, asy como los suyos mismos, e que les non tomen nin portadgos nin assadura. (“Privilegio dado a Sevilla por el rey don Sancho, en el que confirma los otorgados por don Fernando...”, 1284).

⁴ REAL ACADEMIA ESPAÑOLA: Banco de datos (CORDE) [en liña]. *Corpus diacrónico del español*. <<http://www.rae.es>> [10-3-2014]

Mais tamén aparece *Beger* por dúas veces na *Crónica Xeral* galega (vid. TMILG, s.v. *Beger*):

Et tenderõse as algaras contra **Beger**, et per todas essas partidas, correndo et acollendo quanto y acharõ.

Desque el rrey dō Fernando ouue gānanada Seuilla, et a ouue poblada et aforada et asesegada bem, et ouue y ordinadas todas suas cousas a onrra et a nobleza del et da çibdad[e] et de seu reyno et a seruiço de Deus et a prol et a guardamento dos pobladores, gānanou depoys Xeres, Midina, Alcala, **Beger**, Sancta Maria del Porto, et Calez, que iaz dentro eno mar, Sanluca del Pechā, et ata Arcos et Librixia.

E, sobre todo, o topónimo *Beger* áchase documentado perfectamente nas *Cantigas de Santa María* do propio Afonso X:

... e ar pobrou
Badallouz, que reyno é
Muit'antigu', e que tolleu
a mouros Nev'l'e Xerez,
Beger, Medina prendeu
e Alcala d'outra vez (CSM A.15).

A partir do estabelecimento de *Beger* como lectura obvia e interpretación certa da forma manuscrita, só fica o problema do artigo topónímico no elemento <da> que precede *Beger* en BV. Dada a inexistencia, no período moderno, de tal artigo, poderíase pensar que se tratase dun lapso de copia <a>/<e> moi frecuente nos apógrafos italianos, en moitas ocasións precedido de <d>: *de* <da> V (817.13), *d'en* <dan> V (886.13), *de* <da> V (993.22), *der* <dar> B (1024.20), *deu* <da> BV (1058.7), *de* <da> V (1219.10), *Todela* <todala> BV (1348.17), *de* <da> V (1593.7) etc. Porén, ao longo do cancioneiro profano galego-portugués achamos algunos artigos topónímicos moi similares que aconsellan a manutención da lección coincidente dos manuscritos: *mias toucas da Estela*, / *eu non vos tragerei* (920.9-10); *ben da vila da Graada* / *trag'eu o our'e o mouro* (1465.11-12).

Eis, pois, a nosa proposta crítica para a primeira estrofa da cantiga de Afonso X:

Ao daian de Calez euachei
livros que lhi levavan da **Beger**,
e o que os tragia preguntei
por eles, e respondeu-m'el: “Senher,
con estes livros que vós veedes –dous–
e con os outros que el ten dos sous
fod'el per eles quanto foder quer.

III. O terceiro topónimo problemático na poesía de Afonso X que queremos tratar aparece nunha cantiga satírica centrada na figura de Ansur Moniz, que é presentada como un fidalgo rural de pouca importancia que aspiraba a maior consideración. Nesta peza, transmitida polos apógrafos italianos (D'Heur 480 / Tav 18,3), existe unha acumulación de topónimos que só parcial e diversamente foron interpretados nas diferentes edicións dos textos afonsinos. E para alén das formas topónimicas, existen outros *loci critici* no texto que precisan maior reflexión e estudo. É por isto que ofrecemos a transcripción paleográfica da cantiga antes de tentarmos fixar un texto máis criterioso desde o punto de vista ecdótico:

B 482

Ansur moniz muýtoune grã
pesar quandoucs uy deytar aosporeýros
Vilana mente dantros escudeyros
E dixelhis lego se dñ māpar
per bea fe fazedelo muý mal
Ca dom anssur ome el meos ual
Ven dos de villananßsur de ffer eyros

E da outra parte uem dos descobar ede tauros
Mais nõ dos de ciznerros
mais de lauradoõs e de ca'uoeyros
E doutra ueo foy dos destorar
E daz euedar e muý nat'al
Hu iaz seu padre sa madre outro tal
Eia ra el erodos seus herdeyros

E Sem esto er foy el gaanhar mais
Caos feus aucos p'môs e ɔprou fouce stūa
Ebreyros e uilar de racs
Ar foý ɔþr pera flieu co'pe diz canõ lhental
Deuiuer pobre ca ȶ xa flly ffal
Falecer lha tedos seø ɔpanheyros

V 65

Ansur moniz muyto mie grã
pesar quando uos uy deytar aos
porteyros uilana mête dantros
e fendeyros e dixelhis logo se dñ mā (par)
par per boa fe fazedelo muy mal
ca dom ansur ome el meos ual
ueu dos de uilanansur de fferreyros

E da outra parte uem dos descobar
ede campos mais nõ dos de ciznerros
mais de laupadõis ede ca'uoeyros
edoutra ueo foy dos destopar
edam euedar e muy nat'al
hu iaz seu padre sa madre outro tal e
ara el erodos seus herdeyros

E sem esto er foy el gaanhar mais
caos seus auuos p'môs eø prou
fouçe stūa ebieryros e uilar de paes
ar foy ɔþr pera sfeu co'pe diz
canõ lhencal deuiuer p(r)obre ea
ȶxa sfy ffal falecer lha todos seø ɔpanheyros

Historicamente, a primeira edición do texto foi a realizada por Teófilo Braga, con base no Cancioneiro da Vaticana. Moi deficiente do punto de vista filolóxico, carece de anotación e de elementos que contribúan a clarificar o seu contido, pois o brevíssimo glosario final nada explica (Braga 1878: 13):

Ansur Moniz, muyto m'é gram pesar
 quando vos vy deytar aos porteyros
 vilanamente d'antr'os sendeyros,
 e dixe-lhis logo, se deus me ampar',
 per boa fé fazedel-o muy mal,
 ca dom Ansur ome el menos val
 vem dos de Vilansur de Ferreyros.

E da outra parte vem dos d'Escobar
 e de Campos, mais nom dos de Cizneiros,
 mais de Lampadões e de Carvoeiros
 e d'outra vem, foy dos d'estopar,
 e dam'em vêder é muy natural
 hu jaz seu padre sa madre outro tal
 e ar a el e tod'os seus herdeyros.

E sem esto er foy el gaanhar
 mais ca os seus avôos primeiros,
 comprou Fouç' a Estevam *Cabreyros*
 e Vilar de Paes ar foy comprar
 pera seu corp' e diz ca nom lhe vem al
 de viver pobre, e a que x'assi ffal,
 falecer-lh'ã todos seus companheyros.

A seguir, a edición semidiplomática do Cancioneiro da Biblioteca Nacional preparada polos Machado (1950, II: 346) tampouco supón un contributo de relevo ao texto crítico da cantiga:

Ansur Moniz, muyt ouue gram Pesar
 quando uos uy deytar aos porteyros
 Vilanamente d antr os escudeyros,
 E dixe lhis logo: se Deus m anpar!
 Per boa fe, fazede lo muy mal
 Ca dom Anssur, ome el meos ual,
 Ven dos Villansur de Fferreyros.

E da outra parte uem dos d Escobar
 e de Tancos, Mais non dos de Cizneiros,
 Mais de lauradores e de caruoeyros,
 E d outra ueo, foy de Escorar,
 E d Azeved ar [h]e muy natural,

Hu iaz seu padre, sa madre outro tal,
E iara el e todos seus herdeiros.

E Sem esto er foy el gaanhar
mais ca os seus avuos primeiros,
e conprou fouc e strūa. E breyros
e Uilar de Rae s Ar foy comprar
pera sseu corp e diz ca non lh en ual
De uiuer pobre, ca quen x a ssy ffal
Falecer lh a todos seus companheyros.

A edición machadiana limitase, nas notas, a expresar dúbidas e formular preguntas como as seguintes: “9.- *tantos* (?); será *Campos*? 11.- *Estorar*; *Escorar*? 17.- *strūa*: será *estrume*? // *breyros*, estará por *Cabreyros*? por *obreyros*? 18.- Será *de Reis*?” (Machado & Machado 1950, II: 346-347).

Haberá que esperar, de novo, á edición de Manuel Rodrigues Lapa (1970: 19-20) para dispormos un texto moito máis fiábel, aínda que continúe a mostrar problemas de lectura e de interpretación nalgúnhas pasaxes:

Ansur Moniz, muit'ouve gran pesar,
quando vos vi deitar aos porteiros
vilanamente d'antre os escudeiros;
e dixe-lhis logo, se Deus m'ampar:
– Per boa fé, fazede-lo mui mal,
ca Don Ansur, ond' el[e] meos val,
ven dos de Vilanansur de Ferreiros!

E da outra parte ven dos d' Escobar
e de Campos, mais non dos de Cizneiros,
mais de Lavradores e de Carvoeiros;
e doutra vea foi dos d'Estepar;
e d' Azeved' ar é mui natural,
u jaz seu padr' e sa madr' outro tal,
e jara el e todos seus erdeiros.

E, sen esto, er foi el gaanhar
ben mais ca os seus avuos primeiros;
e comprovou Fouce, en terra de Cabreiros,
e Vilar de Paes ar foi comprar
pera seu corp', e diz ca non lh' en cal
de viver pobre, ca, quen x' assi fal,
falecer-lh'-an todos seus companheiros.

A partir de Lapa é repetido o texto, praticamente sen cambios importantes, na edición crítica da poesía profana de Afonso X (Paredes 2001: 225). As únicas diferenças textuais a respecto do texto lapiano de 1970 asentan na conservación da forma *el* no v. 6, na (correcta) supresión do adverbio *ben* (inexistente nos manuscritos) no v. 16 e mais en explicitar unha lacuna textual entre os hipotéticos *Fouce* e *Cobreiros* do v. 17, sen que, por outra parte, se perciban avances significativos na interpretación dos topónimos da cantiga.

O maxisterio do profesor de Anadia pervive tamén na edición de Graça Videira Lopes (2002: 69), que perpetúa o texto do estudioso portugués, mesmo nos seus lapsos editoriais⁵; porén, Lopes introduce mudanzas en formas toponímicas partindo de razoamentos certamente discutíbeis (vid. *infra*): *Estopar* (v. 11), *Fouc'*, *Estrúa* e *[Caj]breiros* (v. 17) e *Vilar de Rates* (v. 18). A lectura lopesiana do v. 17 foi, finalmente, adoptada na segunda edición da poesía afonsina realizada por Paredes (2010: 204), onde se indica simplemente que é “más adecuada”⁶.

En calquera caso, coidamos que é conveniente achegar unha nova edición para este texto afonsino, certamente singular pola acumulación de topónimos, todos eles localizados no actual territorio leonés-castelán (entre o Bierzo e Burgos) conforme os datos de que dispomos:

<p>Ansur Moniz, muit'ouve gran pesar quando vos vi deitar aos porteiros vilanamente d'antr'os escudeiros; e dixe-lhis logo, se Deus m'ampar: “Per boa fe, fazede-lo mui mal, ca Don Ansur, u me el meos val, ven dos de Vilanansur de Ferreiros;</p> <p>e da outra parte ven dos d'Escobar e de Campos, mais non dos de Cizneiros, mais de lavradores e de carvoeiros; e d'outra veo: foi dos d'Estepar, e d'Azeved'ar é mui natural, u jaz seu padr'e sa madr'outro tal, e jara el e todos seus erdeiros.</p> <p>E, sen esto, er foi el gaanhar más ca os seus avoos primeiros; e comprou fouces, terra e [o]breiros,</p>	<p>5</p> <p>10</p> <p>15</p>
--	------------------------------

5 Continúa *antre* no v. 3 e *ben* no v. 16.

6 Tamén segmenta *x'a si* no v. 20 o que fora sempre fixado como *x'assi*.

e Vilar de Paos ar foi comprar
 pera seu corp', e diz ca non lh'én cal
 de viver pobre, ca, quen x'assi fal,
 falecer-lh'-a[n] todos seus companheiros".

20

D'Heur 480 (= Tav 18,3)**Manuscritos:** B 482, V 65**Variantes manuscritas:**

1 ouve] oune *B*, o mie *V* 2 vos] ucs *B*, uos *V* 3 escudeiros] e fendeiros *V* 4 logo]
 lego *B* 5 boa] bea *B* 6 u me el] ome el *BV* 7 Vilanansur] uillanansur *B* 9 Campos]
 tauros *B*; Cizneiros] ciznerros *BV* 10 lavradores] laupadōis *V* 11 d'Estepar] deftorar
B, desfotorar *V* 12 e d'Azeved'ar] edam euedar *V* 14 jara] ara *V*; todos] redos *B*, rodos *V*
 16 avoos] aucos *B* 17 fouces, terra e [o]breiros] fouce st'ua / E breyros *B*, fouçe st'ua
 ebrieryos *V* 18 Paos] racs *B*, paes *V* 19 cal] tal *B* 20 ca] ea *V* 21 todos] tedos *B*

Notas ao texto

- Ansor Moniz é un personaxe descoñecido con pretensións de grande señor, talvez o mesmo que aparece en dúas cantigas de Vaasco Perez Pardal (1526 / 154,6 [B1507] e 1527 / 154,12 [B1508]); neste sentido haberá que interpretar a queixa por os porteiros o incluíren no grupo dos escudeiros, de baixa categoría social.
- Os manuscritos mostran claramente a habitual crase fonética entre a preposición *entre* e o artigo, que Lapa, Paredes e Lopes non respectan.

O adverbio *vilanamente*, verdadeiro hapax na lingua medieval, é susceptíbel de interpretacións diversas, tal como xa Lapa apuntou: “Em galego-português devia ser *vilāmente*. Pode ser que o *n* esteja em lugar de *til*; mas também pode ser que a forma castelhana ou arcaica denuncie uma intención de estilo em sentido escarninho, sobre apresentar maior consistência para efectos de métrica” (Lapa 1970: 19). Porén, coidamos que tal forma adverbial presenta unha forma erudita similar, con *-l-* intervocálico, á dos adverbios *solamente* ou *malamente*, atestados con moita frecuencia desde os primeiros textos até, como mínimo, o século XV⁷. *Vilanamente* debeu ser, con certeza, unha formación adverbial de moi escaso uso, de que só localizamos un único rexistro na *Crónica do Conde D. Pedro de Meneses*, que presenta o mesmo *-n-* intervocálico do texto afonsino:

7 Resulta ben significativo que no TMILG só aparezca un rexistro de *maamente* e dous de *soamente* (todos eles na tradución das *Partidas*), fronte a, respectivamente, vinte e dúas attestacóns de *malamente* e cen de *solamente* en todo tipo de obras. Noutras bases de datos, como o CIPM e o CdP, prevalecen tamén os resultados con *-l-*.

& assy por elles nō terem armas, como sobre a torre ser hū outeiro de que rręebiam gramde dapno, dous daquelles heram d'acordo que se dessē aos mouros, mas os outros nō quiseram per nenhua guisa estar per aquella temçō, dezemdo que amte se queriam lleyxar morrer q(ue) se deyxarē tā **villanamemte** cativar (vid. CPIM, s.v. *villanamemte*).

6. A lección <ome el> de BV non ten sentido, causa que explica a corrección de Lapa, seguida polos posteriores editores: *ond'el[e] meos val* (coa forma *el* en Paredes, e con *onde* en Lopes). No entanto, para esta emenda da lección manuscrita <ome> é necesario considerar unha confusión <m>/<nd>, que non conseguimos atestar nos apógrafois italianos. Polo contrario, partindo do frecuente erro <o>/<u> e dunha segmentación diferente, a nosa proposta, ao tempo que evita problemas de hipometría, cadra ben co sentido (*me* sería un dativo ético) e mantén maior fidelidade aos manuscritos.
7. *Vilanansur de Ferreiros* fai referencia ao actual Villasur de Herreros, concello da provincia de Burgos, tal como xa foi identificado a partir de Lapa.
- 8-10. Os topónimos *Escobar*, *Campos* e *Cizneiros* non foron localizados nas edicións anteriores, e só Lopes se limita a preguntarse se o primeiro terá alguma relación con *escova*. Coidamos que os tres pertencen, xunto cos restantes da cantiga, ao mesmo territorio; isto é, *Escobar* sería Escobar de Campos (concello da actual provincia de León), mentres que *Cizneiros* se debe referir a Cisneros, un concello situado no centro-sur da provincia de Palencia; finalmente, *Campos* fará referencia ao antecitado Escobar de Campos ou, tamén, á Terra de Campos, extensa comarca que se estende polas provincias españolas de León, Zamora, Valladolid e Palencia.

Desta maneira, a cantiga infórmanos da contraditoria ascendencia de Ansur Moniz, descendente de familias de *Vilanansur de Ferreiros*, *Escobar* e *Campos* (talvez menos brasonadas que as de *Cizneiros*): na realidade, parece proceder de labradores e carboeiros, profesións baixas na escala social. Nótese, finalmente, que a presentación de *lavradores* e *carvoeiros* con maiúscula inicial nos diversos editores parece suxerir que se tratarían tamén de eventuais formas onomásticas, cuestión que vai contra a lóxica discursiva da cantiga.

- 11-12. A emenda de Lapa e dos editores poslapianos de <ueo> para unha forma *vea*, a que lle atribúen o sentido metafórico de ‘liñaxe’, é desnecessaria, pois coidamos que *veo* é o pretérito de *viir*, a indicar que Ansur Moniz *veo d'outra parte* tamén: de *Estepar* e de *Azevedo*.

Estepar debe corresponder ao actual Estépar (seguramente a forma antiga sería *Estepar*, derivado de *estepa*, tal como outros topónimos da meseta castelá), tamén

en Burgos (na mesma comarca que *Vilanansur de Ferreiros*), identificación xa establecida por Lapa (1970). Por súa parte, Lopes, coa forma *Estopar*, que respecta literalmente a –errada– forma dos manuscritos, suxire unha difícil relación co moderno verbo *estopar* (“mas también trabalhar a estopa”), que non aparece na lingua até o século XX⁸.

Por outra banda, só Lopes avanza unha localización (portuguesa) de *Azevedo*, indicando que “poderá ser uma provoación perto de Caminha; poderá também haver um equívoco com o azevém, planta para forragens” (Lopes 2002: 69). Porén, a concentración dos topónimos no territorio leonés-castelán aconsella relacionar *Azevedo* co actual Acebedo, outro concello leonés.

16. A contaxe bisilábica de *mais* evita o recurso a ningún tipo de reintegración. Neste sentido, pois, é de rexeitar o recurso ao adverbio *ben* que Lapa introduciu e Lopes conservou.

17-18. Eis o verdadeiro *locus criticus* da cantiga, con lecturas dispares entre os diversos editores, todos eles con reconstrucción de topónimos conxecturais, más ou menos imaxinativos, mesmo con recurso a formas inexistentes, como *Estrña* en Lopes (e Paredes en 2010), que, segundo estes editores, sería *estrume* (?!), tal como no seu momento suixeran os Machado.

“A nossa leitura é meramente conjectural”, afirma Lapa para xustificar *Fouce, en terra de Cabreiros*; e sobre o *Vilar de Paes* fixado na súa edición acrecenta: “Talvez se pudesse ler *Pães*, para acentuar a rusticidade do lugar, o que parece, aliás, apoiar aquele *pera seu corpo* do v. 19” (Lapa 1970: 19). Como acontece habitualmente, o texto lapiano prolóngase na edición de Paredes (2001); Lopes, polo contrario, ofrece unha lectura diferente, tamén recoñecida como “apenas conjectural”, que foi aceptada en 2010 por Paredes. Conforme o texto lopesiano (presente, outrosí, na versión *online* do proxecto *Littera*), Ansur Moniz tería comprado “Foice, Estrume, Cabreiros e Vilar de Rates (campo com buracos de toupeiras), para o seu sustento” (Lopes 2002: 69). A editora portuguesa amplifica o seu comentario nas notas finais á súa compilación escarniña: “Lapa leu *Fouc' en terra de Cabreiros / e Vilar de Paes*, o que não me parece uma lição feliz, sobretudo no primeiro verso, que se afasta demasiado dos mss.; mas a sua sugestão, feita em nota, de que se poderia ler *Vilar de Pães*, talvez seja possível. De qualquer forma, atendendo a que o rei faz um jogo com topónimos existentes, e não havendo noticia de qualquer Vilar de Pães peninsular (enquanto Rates existe), decidi-me por Vilar de Rates.

⁸ Así se deduce da inexistencia de calquera indicio de *estopar* no TMILG e no CIPM. Este verbo só se localiza no século XX no CdP e mais no RILG.

Uma outra hipótese seria Vilar de Frades, já que, dentre as várias povoações com este nome, uma situa-se exactamente em terra de Campos, portanto uma área geográfica predominantemente aludida na cantiga; mas esta hipótese, além de nos afastar dos mss. parece-me adequar-se pior ao espírito irónico das outras referências” (Lopes 2002: 558).

Certamente, a acumulación de erros de copia neste verso obriga a reler criticamente as secuencias de B e V, na procura dunha proposta crítica o máis axustada posíbel ao texto dos manuscritos. A cantiga informa que Ansur Moniz *comprou* algo, non necesariamente poboacións. É por isto que, perante o probábel erro dos manuscritos, a forma *fouces* é ben posíbel a partir de <fouce fl> B, <fouçe s> V, plural co <s> que aparece aglutinado co elemento seguinte. Por outra parte, a secuencia <t'ua> BV moi facilmente pode ser interpretada como *terra*, xa que o erro <u>/<rr> (ou <u>/<ir>, pola equivalencia <ir> = <rr> en BV) é moi frecuente nos apógrafos italianos, especialmente en V: *querrei* <queuey> (V 368.5), *morrerei* <mouerey> V (385.20), *morrer* <mouer> V (387.1, 446.6), *morrerei* <moue rey> V (417.6), *errei* <uey> V (498.12), *sirgo* <sugo> BV (735.4), *ir* <hu> B (933.10), *querrei* <quay> B (1230.2) etc. Finalmente, as leccións <breyros> B, <bieryros> V permiten sen dificultade interpretarmos /o/breiros, tal como suxeriran marxinalmente os Machado.

Deste modo, a compra de *terra e fouces*, así como a contratación de *obreiros*, condí co verso seguinte, que culmina as adquisicións de bens coa propiedade dun lugar enteiro. Perante a inexistencia dun topónimo igual ou similar a *Vilar de Paes*, lectura literal de V (ou *Vilar de Raes ~ Raos*, que se desprendería de B), debemos supor, novamente, a existencia dun erro na transmisión manuscrita, dado que todos os topónimos citados no escarnio afonsino parecen corresponderse con lugares reais. Deste xeito, co *Vilar de Paos* proposto en V só aparecería a banal confusión <e>/<o>, moi frecuente nos dous apógrafos italianos. Por outra parte, en B o erro <r>/<p> rexístrase con frecuencia: nesta mesma composición <tauros> *Campos* (v. 9) e <|estorar> *Estepar* (v. 11), ou, entre outros moitos casos, véxase no mesmo copista de B <ror> *por* (479.18), <rcer> *poer* (856.1) etc.; ademais, o erro <c>/<o> en B tamén é frecuente: nesta mesma cantiga <ucs> *uos* (v. 2), <aucos> *auuos* (v. 16) e no mesmo copista véxase, por exemplo, <ſſcō> *ſſoð* (478.29), <rrazčar> *rrazðar* (478.46), <olhes> *olhos* (855.6, 14, 16 e 20), <rcer> *poer* (856.1), <quantes> *quantos* (859.2) etc. Estes datos permiten asegurar con certa probabilidade que a solución editorial máis axustada para o topónimo sexa *Vilar de Paos*, que ben se pode corresponder co antigo *Villar de Palos* (actualmente, gal. *Viladepaos* ou *Viladepaus*, cast. *Villadepalos*), poboación do concello de Carracedelo, tamén no hodierno territorio provincial leonés, que aparece citada no *Censo de Poblacion de las Provincias y Partidos de la Corona de Castilla en el Siglo XVI* (González 2009: 30), como núcleo

populacional incluído na “provincia de Ponferrada”. De todos os xeitos, *vila* e *vilar* deben alternar desde antigo⁹, a teor de diversas documentacións galegas e castelás:

Sabian quantos esta carta uiren, como nos, don Jullao, albad de Samoos, τ o conuento desse lugar, damos a uos, Pedro Diaz, τ a un uoffo fillo ou filla, qual nomeardef, a uoffa morte, o nollo casal de **Uilla de Paos** que pertene方才 aa mefa do albad, con todas suas dereyturas τ pertene方才as, ao qual dizen Cima de Uilla, que o tenadef en toda uoffa uida τ o lauredef τ o paredef ben τ nos diades ende cada ano, uos, Pedro Diaz, j moyo de Fenteo τ j moyo de Feuada, τ o fillo que nomeardef, ou filla, darnos cada ano dous moyos de centeo por la felta de San Miguel (doc. de Samos, 1286; cf. TMILG, s.v.).

A forma galega áinda se conserva nun documento, en castelán, de finais do século XIV:

Yo el adelantado Pero Suárez de (Quinones) saluda bien: sabades en como por el día de Santa Martino del mes de noviembre me avedes a dar en cada Monasterio cento e cinquenta maravedis. En **Villa de Paos** con la villiella dies e ocho maravedis (Gómez Bajo 1993: 193).

Mais na *Crónica de veinte Reyes* xa aparece a forma toponímica en castelán:

El çid le dixo tomad a don alfonso çam[or]a & toro con la meatad del jnfantadgo. E a don garçia villa franca pon ferrada valdecrres & valdueña con sus terminos fasta **Villa de Palos**. E a don sancho sand fagun de lobaton valde negro Rio seco & medina del campo assi commo parte con estremadura. Dixo el Rey çid mucho le damos. El çid dixo Señor los hermanos gelo encortaran (cf. CORDE, s.v. *Villa de Palos*).

19. A expresión *non lh'én cal* ‘non lle importa’, que se corresponde lat. NON + O.I. + INDE CALET, procede da Galo-Romania. No corpus trobadoresco profano, para alén de *ne m'én chal* (264.9) e *nem mi cal* (1337.176), con *nem* e co O.I. de P1, esta expresión aparece sempre co adv. *non* e o O.I. de P1 (*non m'én chal*, 495.17; *non m'én cal*, 1358.18) ou o O.I. de P3 na presente cantiga, que tamén pode presentar interpolación: *lhi non én chal* (1652.24) (vid. García-Sabell Tormo 1991: 85-88).
- 20-21. Nótese a omisión (relativamente frecuente) da preposición *a* introductoria do O.I. (*quen x' assi fal*) anteposto ao predicado, cunha concordancia *ad sensum* moi habitual na lingua dos trovadores.

9 Nun documento de 15-5-1190, escrito en latín, aparece como *Villa de Palis* (cf. Álvarez 1986: 496).

Bibliografía citada

- Álvarez, Manuel Lucas (1986): *El tumbo de San Julián de Samos (Siglos VIII-XII). Estudio introductorio. Edición diplomática. Apéndices e índices* (Santiago de Compostela: CaixaGalicia).
- Braga, Theophilo (1878): *Cancioneiro Portuguez da Vaticana. Edição critica restituída sobre o texto diplomático de Halle, acompanhada de um glossario e de uma introducção sobre os trovadores e cancioneiros portuguezes* (Lisboa: Imprensa Nacional).
- Cancioneiro da Biblioteca Nacional (Colocci-Brancuti)*. Cód. 10991 (1982) (Lisboa: Biblioteca Nacional / Imprensa Nacional-Casa da Moeda).
- Cancioneiro Portugués da Biblioteca Vaticana (Cód. 4803)* (1973) (Lisboa: Centro de Estudos Filológicos / Instituto de Alta Cultura).
- CdP = Davies, Mark & Ferreira, Michael J. (2006-): *Corpus do Português: 45 million words, 1300s-1900s*: <<http://www.corpusdoportugues.org>>
- CIPM = Xavier, M. Francisca (dir.): *Corpus Informatizado do Português Medieval*: <<http://cipm.fcsh.unl.pt/>>
- CORDE = REAL ACADEMIA ESPAÑOLA: Banco de datos (CORDE) [en liña]. *Corpus diacrónico del español*. <<http://www.rae.es>>
- D'Heur, Jean Marie (1975): *Recherches internes sur la lyrique amoureuse des troubadours galiciens-portugais (XII^e-XIV^e siècle): contribution à l'étude du «corpus des troubadours»* (Liège: Université de Liège).
- Ferreiro, Manuel & Martínez Pereiro, Carlos P. & Tato Fontañá, Laura (2007): *Normas de edición para a poesía trovadoresca galego-portuguesa / Guidelines for the Edition of Medieval Galician-Portuguese Troubadour Poetry* (A Coruña: Universidade da Coruña).
- García-Sabell Tormo, Teresa (1991): *Léxico francés nos cancioneiros galego-portugueses. Revisión crítica* (Vigo: Galaxia).
- Gómez Bajo, María del Carmen (1993): *Documentación medieval del monasterio de San Andrés de Vega de Espinareda (León) (Siglos XII-XIV)* (Salamanca: Universidad de Salamanca).
- González, Tomás (2009): *Censo de Poblacion de las Provincias y Partidos de la Corona de Castilla en el Siglo XVI* (Valladolid: Maxtor) [ed. facsimilar].
- Lapa, Manuel Rodrigues (1970 [1965]): *Cantigas d'Escarnho e de Mal Dizer dos Cancioneiros Medievais Galego-Portugueses* (Vigo: Galaxia).
- Littera = Lopes, Graça Videira & Ferreira, Manuel Pedro et al. (2011-): *Cantigas Medievais Galego Portuguesas [base de dados online]* (Lisboa: Instituto de Estudos Medievais, FCSH/NOVA): <<http://cantigas.fcsh.unl.pt>>
- Lopes, Graça Videira (2002): *Cantigas de Escárnio e Maldizer dos Trovadores e Jograis Galego-Portugueses* (Lisboa: Estampa).

Machado, Elsa Paxeco & Machado, José Pedro (1949-1964): *Cancioneiro da Biblioteca Nacional, antigo Colocci-Brancuti*, 8 vols. (Lisboa: Edição da Revista de Portugal).

Magán Abelleira, Fernando & Ron Fernández, Xosé Xabier (1999): “Algunhas consideracións ecdóticas e hermenéuticas sobre a cantiga «Don Gonçalo, pois queredes ir daqui pera Sevilha» (B 466) de Alfonso X o Sabio”, *Revista de poética medieval* 3: 131-145.

Michaëlis de Vasconcelos, Carolina (1990 [1904]): *Cancioneiro da Ajuda* (Lisboa: Imprensa Nacional - Casa da Moeda).

Monaci, Ernesto (1875): *Il canzoniere portoghese della Biblioteca Vaticana* (Halle: Max Niemeyer Editore).

Montero Santalla, José-Martín (2000): *As Rimas da Poesia Trovadoresca Galego-Portuguesa: Catálogo e Análise*, Tese de Doutoramento (inédita), Universidade da Coruña.

Paredes, Juan (2001): *El cancionero profano de Alfonso X el Sabio. Edición crítica con introducción, notas y glosario* (Roma: Japadre Editore).

Paredes, Juan (2010): *El cancionero profano de Alfonso X el Sabio. Edición crítica con introducción, notas y glosario* (Santiago de Compostela: USC, Anexo 66 de Verba).

Tavani, Giovanni (1967): *Repertorio metrico della lirica galego-portoghese* (Roma: Edizioni dell'Ateneo).

TMILG = Varela Barreiro, Xavier (dir.): *Tesouro Medieval Informatizado da Lingua Galega* (Santiago de Compostela: Instituto da Lingua Galega): <<http://ilg.usc.es/tmilg>>



Departamento de Galego-Portugués,
Francés e Lingüística
UNIVERSIDADE DA CORUÑA

ÁREA DE FILOLOXÍAS GALEGA E PORTUGUESA

